

## 2011 Rhif 233 (Cy. 45)

### BWYD, CYMRU

#### Rheoliadau Deunyddiau ac Eitemau Plastig mewn Cysylltiad â Bwyd (Cymru) (Diwygio) 2011

##### NODYN ESBONIADOL

*(Nid yw'r nodyn hwn yn rhan o'r Rheoliadau)*

1. Mae'r Rheoliadau hyn yn diwygio Rheoliadau Deunyddiau ac Eitemau Plastig mewn Cysylltiad â Bwyd (Cymru) 2009 (O.S. 2009/481 (Cy.49)) fel y'i diwygiwyd yn flaenorol gan O.S. 2010/2288 (Cy.200) ("y prif Reoliadau") er mwyn darparu ar gyfer gweithredu, yng Nghymru, drefniadau trosiannol a gynhwyswyd yng Nghyfarwyddeb y Comisiwn 2011/8/EU sydd yn diwygio Cyfarwyddeb 2002/72/EC o ran cyfyngu ar y defnydd o Bisfffenol A mewn poteli bwydo babanod wedi eu gwneud o blastig (O.J.No. L26, 29-1-2011, t.11) ("Cyfarwyddeb newydd y Comisiwn").

2. Mae Cyfarwyddeb newydd y Comisiwn yn cynnwys gwaharddiad ar weithgynhyrchu, gwerthu a mewnforio poteli bwydo babanod wedi eu gwneud o blastig sy'n cael eu gweithgynhyrchu gan ddefnyddio Bisfffenol A, ynghyd â darpariaethau trosiannol ar gyfer cyflwyno'r gwaharddiad hwn yn raddol. Mae'r prif Reoliadau'n cynnwys (yn rheoliad 2(5)) gyfeiriad newidiadwy sy'n cael yr effaith o weithredu'r gwaharddiad.

3. Mae'r Rheoliadau hyn yn diwygio'r prif Reoliadau er mwyn darparu ar gyfer gweithredu'r trefniadau trosiannol yng Nghyfarwyddeb newydd y Comisiwn (*rheoliad 2(2)*).

4. Mae asesiad effaith reoleiddiol wedi ei baratoi ynglŷn â chostau a buddion tebygol cydymffurfio â'r Rheoliadau hyn. Gellir cael copi gan yr Asiantaeth Safonau Bwyd, Llawr 11, Southgate House, Caerdydd, CF10 1EW.

## 2011 Rhif 233 (Cy. 45)

### BWYD, CYMRU

#### Rheoliadau Deunyddiau ac Eitemau Plastig mewn Cysylltiad â Bwyd (Cymru) (Diwygio) 2011

*Gwnaed* 5 Chwefror 2011

*Gosodwyd gerbron Cynulliad Cenedlaethol  
Cymru* 8 Chwefror 2011

*Yn dod i rym* 1 Mawrth 2011

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd gan adrannau 16(2), 17(1) a (2), 26(1)(a) a (2)(a) a 48(1) o Ddeddf Diogelwch Bwyd 1990(1), ac a freiniwyd bellach ynddynt hwy(2).

- 
- (1) 1990 p.16. Cafodd adran 1(1) a (2) (y diffiniad o “food”) ei disodli gan O.S. 2004/2990. Cafodd adrannau 17 a 48 eu diwygio gan baragraffau 12 a 21, yn ôl eu trefn, o Atodlen 5 i Ddeddf Safonau Bwyd 1999 (1999 p.28), “Deddf 1999”. Cafodd adran 48 ei diwygio'n ogystal gan O.S. 2004/2990. Cafodd adran 53(2) ei diwygio gan baragraff 19 o Atodlen 16 i Ddeddf Dadreoli a Chontractio Allan 1994 (1994 p.40), Atodlen 6 i Ddeddf 1999, O.S. 2004/2990, ac O.S. 2004/3279.
- (2) Mae swyddogaethau a oedd gynt yn arferadwy gan “the Ministers” (sef, o ran Cymru a Lloegr a chan weithredu ar y cyd, y Gweinidog Amaethyddiaeth, Pysgodfeydd a Bwyd a'r Ysgrifenyddion Gwladol, a oedd yn ôl eu trefn, yn ymwneud ag iechyd yn Lloegr a bwyd ac iechyd yng Nghymru, ac, o ran yr Alban, yr Ysgrifennydd Gwladol) bellach yn arferadwy o ran Lloegr gan yr Ysgrifennydd Gwladol yn unol â pharagraff 8 o Atodlen 5 i Ddeddf 1999. Cafodd swyddogaethau “the Ministers”, i'r graddau yr oeddent yn arferadwy o ran Cymru, eu trosglwyddo i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) fel y'i darllenir gydag adran 40(3) o Ddeddf 1999, a chawsant eu trosglwyddo ar ôl hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (2006.p.32). Cafodd y swyddogaethau hynny, i'r graddau yr oeddent yn arferadwy o ran yr Alban, eu trosglwyddo i Weinidogion yr Alban gan adran 53 o Ddeddf yr Alban 1998 (1998 p.46) fel y'i darllenir gydag adran 40(2) o Ddeddf 1999.

Yn unol ag adran 48(4A) o Ddeddf Diogelwch Bwyd 1990, maent wedi rhoi sylw i gyngor perthnasol a roddwyd gan yr Asiantaeth Safonau Bwyd.

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor, sy'n gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop, ac yn gosod gweithdrefnau o ran materion diogelwch bwyd(1), cafwyd ymgynghori agored a thryloyw â'r cyhoedd wrth baratoi a gwerthuso'r Rheoliadau hyn.

## **Enwi a chychwyn**

1. Enw'r Rheoliadau hyn yw Rheoliadau Deunyddiau ac Eitemau Plastig mewn Cysylltiad â Bwyd (Cymru) (Diwygio) 2011, a deuant i rym ar 1 Mawrth 2011.

## **Diwygiad i Reoliadau Deunyddiau ac Eitemau Plastig mewn Cysylltiad â Bwyd (Cymru) 2009**

2.—(1) Diwygir Rheoliadau Deunyddiau ac Eitemau Plastig mewn Cysylltiad â Bwyd (Cymru) 2009(2) yn unol â pharagraff (2).

(2) Ar ôl rheoliad 21 (amddiffyniad trosiannol ynglŷn â gasgedi PVC sy'n cynnwys olew ffa soia wedi ei epocsieiddio), mewnosoder y canlynol fel rheoliad 21A—

### **“Transitional defences relating to infant feeding bottles containing Bisphenol A**

**21A.**—(1) In any proceedings for an offence under regulation 3 in connection with the sale or import into the EU of a polycarbonate infant feeding bottle which fails to meet the required standard it shall be a defence to prove that the plastic material or article —

- (a) was placed on the market or as the case may be imported in to the EU before 1<sup>st</sup> June 2011; and
- (b) complied with these Regulations as they stood immediately before the amendment made to Annex II to the Directive by Commission Directive 2011/8/EU.

---

(1) OJ Rhif L31, 1.2.2002, t.1.Cafodd y Rheoliad hwnnw ei ddiwygio ddiwethaf gan Reoliad (EC) Rhif 596/2009 Senedd Ewrop a'r Cyngor, sy'n addasu nifer o offerynnau, yn ddarostyngedig i'r weithdrefn y cyfeirir ati yn Erthygl 251 o'r Cytuniad i Benderfyniad y Cyngor 1999/468 o ran y weithdrefn reoleiddio gyda chraffu: Addasiad i'r weithdrefn reoleiddio gyda chraffu — Rhan Pedwar (OJ Rhif L188, 18.7.2009, t.14).

(2) O.S. 2009/481 (Cy.49), a ddiwygiwyd gan O.S. 2010/2288 (Cy.200).

(2) In any proceedings for an offence under regulation 4 in connection with the use of Bisphenol A in the manufacture of a polycarbonate infant feeding bottle it shall be a defence to prove that the plastic material of article —

- (a) was manufactured before 1<sup>st</sup> March 2011; and
- (b) complied with these Regulations as they stood immediately before the amendment made to Annex II to the Directive by Commission Directive 2011/8/EU.

(3) In this regulation Commission Directive 2011/8/EU means Commission Directive 2011/8/EU amending Directive 2002/72/EC as regards the restriction of use of Bisphenol A in plastic infant feeding bottles.”.

*Gwenda Thomas*

Y Dirprwy Weinidog dros Wasanaethau  
Cymdeithasol, o dan awdurdod y Gweinidog dros  
Iechyd a Gwasanaethau Cymdeithasol, un o  
Weinidogion Cymru.

5 Chwefror 2011